


କୃଷ୍ଣା

ଅବିଷ୍କୃତାବିଷ୍କୃତ





# কণ্ঠগিরো

সালরা যানা

প্রজাপত্রে নং:

স্বপ্নসুখসুখসুখ



পূর্ণিমা লেইরিক লেইসাং

পূর্ণিমা লেইরিক লেইসাং  
নারেন্দ্রী, গুয়াহাট

KANTHAGIRO AND OTHER PLAYS  
IN BISHNUPRIYA MANIPURI  
BY BROJENDRA KUMAR SINHA

COPYRIGHT - AUTHOR

পূৰ্ণিমা লেইৱিক লেইমাং

পয়লা প্ৰকাশ : বিষ্ণু ১৩৯৫, ১৪ই এপ্ৰিল ১৯৮৯  
প্ৰকাশিকা : বিভা সিংহ, নাৰেঙ্গী, গুৱাহাটী

মুদ্ৰক : শ্ৰীমল সিংহ, কমলা মুদ্ৰণালয়, ৰামকৃষ্ণ প্ৰেস, হাইলাকান্দি।

মলাটৰ শিল্পী : শ্ৰীকান্ত সিংহ

ৰূপা ছয়হান



শান্তি  
নিশি, স্বপন, যশোবন্ত লক্ষ্মীবদন  
দেবিকা, কিষ্টি  
বার  
ইদিপাসর জোকান্তা  
চঞ্চলায়ে  
নারাইণ সেবার নবিদহানি করে

লেখকর আর আর লেরিক

লেখাও ফুলগরে

এলার খুৎতল

ধুবপদ

ঘেরাক সেরাক



আমার ভাষায় 'কণ্ঠবিরো'— শব্দ এগ আছে। ঔগরে খানি আহান  
পরিবর্তন করিয়া 'কণ্ঠগিরো' বুলিয়া নাঙহান থইলু। লালচুম ডাককরে দিবাং।

নাটিকা এহান প্রথাত নাট্যকার, অভিনেতা বার পরিচালক শ্রীঅশ্বিনী  
কুমার সিংহ গিরকর পরিচালনাং কতথুকুম অভিনীত আছে।

সালয়া যানা—একক অভিনয়র নাটিকাহান। এহানো শ্রীঅশ্বিনী কুমার  
সিংহ গিরকে পরিচালনা করে দেনাই অভিনয়হান মাহুয়ে ঠিক পেইলা।

প্রজাপতয়ে নমঃ— বেতার নাটিকাহান। বাংলাদেশ বেতারর সালেদে  
লেংকরেছিলাহান। এহান দুধপুরে আকথুকুম মঞ্চ অভিনয় করেছিলা উনি।

পূর্ণিমা লেরিক লেইসাঙে প্রকাশ করানির দায়িত্ব নিলগা আরো তিনো-  
হানি আকসাটে লেরিকহান করে নিকাললাং।

শিল্পী কবি শ্রীকান্ত সিংহই মলাটহান আকে দিয়া লেরিকহান ডালকরে  
দিল।

শ্রীমান শ্রামল কুমার সিংহ বার শাচাক সম্পাদক শ্রীমান উত্তম কুমার  
সিংহর, বিশেষ করে শ্রীমান শ্রামলর পাংকাল নাপেইলে লেরিক এহান নাউ  
নিকুলিল অইছ। তাহুরে মোর পুন্নিং যোপা আশিস দিয়োরি।

প্রেসল নিয়াম হিনপেইলাং। ঔহানে ছাপাহান অমাটিক হবা নাইল।  
প্রকাশকর দোষ নেই।





# কণ্ঠগিরো

পয়লা অভিনয় : গিবরাজন

মহানবমী, ২২ অক্টোবর ১৯৮৬

গিরিশো	হরিদাস সিংহ
হনাং	লক্ষ্মীকান্ত সিংহ
বাবুসেনা	অশোক সিংহ
হর সিং	হরিমোহন রাজকুমার
মণি	স্বরেশ্বর সিংহ
ননী	সুবল সিংহ

পরিচালনা : হরিদাস সিংহ

প্রমটার : দিলীপ কুমার সিংহ

---

বারমুনিং বিভিন্ন ফামে অভিনয়

গিরিশো	অমরেশ সিংহ
হনাং	সুধিষ্ঠির সিংহ
বাবুসেনা	মুকুন্দ সিংহ
হরসিং	প্রিয়বন্ত সিংহ
মণি	রাজেন্দ্র সিংহ
ননী	নবেন্দু সিংহ

পরিচালনা : অশ্বিনী কুমার সিংহ

# କାମିନୀ

କବି : କବିରାଜ କାମିନୀ

କବିରାଜ କାମିନୀ - ୧

କବି : କବିରାଜ	କାମିନୀ
କବି : କବିରାଜ	କବି
କବି : କବିରାଜ	କାମିନୀ
କବି : କବିରାଜ	କବି
କବି : କବିରାଜ	କାମିନୀ
କବି : କବିରାଜ	କବି

କବି : କବିରାଜ : କାମିନୀ

କବି : କବିରାଜ : କାମିନୀ

କବି : କବିରାଜ : କାମିନୀ

କବି : କବିରାଜ	କାମିନୀ
କବି : କବିରାଜ	କବି
କବି : କବିରାଜ	କାମିନୀ
କବି : କବିରାଜ	କବି
କବି : କବିରାଜ	କାମିନୀ
କବି : କବିରାଜ	କବି

କବି : କବିରାଜ : କାମିନୀ



বাজারর পথগ । হুনাং বাজারে বারগা ।

নেপথ্যে গিরিশোরে দেহিয়া

হু—হবাই ! গিরিশোদা আহেরতাতে । লুকেইংগা । [ প্রস্থান ]  
[ গিরিশো বাজারেত মূড়া আগ ধরিয়া ঠনা আগৎ হজক পিয়া  
পিয়া আহের ]

গি—হুনাং ! [ ঝানি থায়া ] হুনাং ! না লুকেইগা ! কইদিন  
এসাদে লুকেরা জিংতা অইতেইতা !...আকদিনতে পেইতো নাই, হুনাং !  
হু—[ হমেয়া গিরিশোরে হমা দিয়া ] হরে কৃষ্ণ, হরে কৃষ্ণ, দাদা  
মি বাজারে যিতেগা...ইয়...এরে...দাদারে সুপ নাদেহেহু ! হে সেইতা  
আছি এগী অন্ধ অক হে ।

গি—হাই হাই ! না দেহিয়া না ! হমাহান ডিগল করে দিলেতে  
রূপাহানি এরদিতো থাং ?

হু—কই জনমর পুণ্য ফলে দাদার ঝরাহানি পেয়ারতা ।

গি—ওহানল না, দেখবেতাই লুকারগাতা ! রূপাহানি নদিবেতারকা ।

হু—হে সেইতা হে দাদা ! হাঃ ইমে কিন্তু রূপা উহানিরকা  
—নরকে পড়িঙগা হে — হেঁ হেঁ হেঁ — ইয়, দাদা, মূড়া এগতে  
কতি দিলে ?

গি—বাই, পইসাহানি খৌকরতে নাদল আরো কাড়লয়া আনরিগ না ।

[ ঝানি সাকতি করে কাহিল ]

হু— [ ঝানি উহান পায়া অয়া ] দা—দ্য ! এসাদে কাহরতা ?

গি— [ কাহিয়া ] এসাদে না কাহিয়াতে কিসাদে কাহানি ?

কাহানিহানো কিতা নুংসি করে থাং !

হু—ফাগী নাগৈ দাদা ! [ হকগল ] দাদা ইমে এসাদে কাহানি

অকরলেতাক ! এরে অল্প বয়স এহানিৎ । দাদা ! এহানিতে

কিহান ! ইমে এসাদে কাহিলেতাক !

গি—কিতা পাগালা পাগুলা গুজরতাতে ?

হু—পাগালা পাগুলা নাবলি দাদা ! [ আহির পানি পুছিয়া ]

দাদা ! আরতাত্তে কিতা কিতা কবের ? গারিগ খানি সলি মলি  
কবেরতাত ?

গি—গারিগ কিংতাউ নাছে । এবাকাউ বলী অহু না !

হু—ইমে আমার খুড়াই মাংল ঔসাদে ! আমার খুড়াই মরিল  
দিন ঔহান বাজরেংত আইতে এসাদে কাহিল । গরগ ফৌরনিহান  
ফাত নাইল, পথে পতিয়া মরিল ।

গি—তোর খুড়তাকতে...

হু—মোর জরম খুড়তাক । তাউ ইমে এসাদে দাদার ডেকি কাহিলগ  
— ইমে এসাদে মাংল — মি নাউ সসহু, গারিগ কিংতাউ  
নাছে । দাদাউ বিতর বিতরেদে সলংগ না । হারনাপারতা ।

গি - তোরতাত্তে কুরাংকার জরম খুড়তাক এ ?

হু - হাং, নাচিনলে ! আমার বাবার জরম পিরনকর জরম পুতক ।  
নখাইরিগ । নাচিনলে থাং ? [ কাদিয়া ] দাদা, আমারে ইমে  
এরাদিয়া সালৈলেতাক । [ এলা ] জনম এহান কচুপাতর পানিহান ।

গি—বাসাহে এলা নাদি । কালিও হাসপাতালর ডাক্তর ঔগৈ...

হু—ডাক্তর নাবলি দাদা, ডাক্তর নাবলি ! ডাক্তরেহে মানু মারতারা  
নাই । এ ! ডাক্তরগৈতে কিতা বলল ?

গি—কালি মোর পেট কামাড়ানি ঔহান অকরিয়া...

হু—ইমে আমার খুড়ারতা করল ঔসাদে । তারতাউ এসাদে  
মরানির আগেকার দিন ঔহান পেট কামাড়েয়া পড়েছিল, ডাক্তর  
গরাং যিতেগা...ডাক্তরগৈ কি হজকতে দিল ?

গি—হাই, গরিলি আকতা দিল - খানারকা বার -

হু—হরে কুফ ! আমার খুড়ারেউ গরিলি দেছিল খানারকা ।

দাদা, বকহানতে কিমে ?

গি—এরে আজিও বাত ঠালি আহান খেইল ।

হু—লক্ষণ এতা কতিয়ো মিলে গেছেগাতাক । আমার খুড়াউ  
মরিল দিন ঔহান বাত ঠালি আহান খেইলগ । দাদা হপন কিতা



দেহরতা ?

গি - হৌদিন আমার নর্য গরাজারিৎ গর্য ধরেছে বালিয়া হপন  
আহান ....

হু - আমার খুড়াউ গর্য ধরেছে হপন আহান দেহিয়া [ কাঁদিয়া ]  
দাদা, আর ডিল নাকুরি ।

গি - কিতা ডিল নাকরতু ?

হু - দাদাত সিং মানুগ, দাদারে আর কিতা মাংনু [ কাঁদল ]

গি - হুনাং, মাতর পারা কতদিন আহান গারি এগ -

হু - মাংল, নাই দাদা, মিতে মাংল, নাই ! মাংতেতে নাছনলে !

গি - কিহানতে করতু ? হোমিপাথি ?

হু - কিতার বার হোমিপাথি ! এবাকাউ হোমিপাথি বোলানির সময়  
খাইলতা ? হরে কৃষ্ণ বল !

গি - ওহান আইলেতে কবিরাজী, বনালী - কিহানতে করতু ?

না খুঁসইর হজক খেইত ?

হু - এবাকা ওতা করিয়া কিহানতে করতে ? হাবির গজর কবিরাজ  
ওগরে ডাক ! হরে কৃষ্ণ বল ! মরণকালে কৃষ্ণ মিংসিং অ ।

গরুদেবর খর্যাহানিৎ চেংকরে ধর ! আরতা হাবি মিছা মারা না  
দাদা ! অ-বাই ! এহানতে কিহান-এ ! হ-রে-কৃ-ষ্ণ !

গি - হুনাং ! যোরতা মুরগ বলার পারা !

হু - বলেইতই ! মিতে আগেংতো মাংলংগতে ।

গি - জাংহান নিককরের পারা !

হু - নিককরতই ।

গি - হুস্তমেউ আহিগী মামকরে আনের ।

হু - ওহানতে আগেদে না মাতেহুং ? লক্ষণ হাবি মিলতইগতে ।

গি - কিহানতে করতু ?

হু - কিহানতে করতে ? করিলতা কিংতাউ নেই ! ইমে হরে কৃষ্ণ বল !

গি - হরে কৃষ্ণ ! হুনাং !

হু— দাদা ইমে এরে বাজারেত আনেছং মুড়া এগং ব । চেয়া খেয়া  
আজিকার দিনে মুড়াগো আনেছং । ব দাদা, ব । [ হরিনাম  
সলকরের ]

গি—হুনাং ! মি মরলে মোর সম্পত্তি এহান হাবিতে কিতা আইতইতা ?  
হু—সুপ না খালকরি । কিংতাউ নাইতই । অরতে আমি আছি  
নাই । হরে কৃষ্ণে বুল এনে ।

গি—হুনাং, তোরাং পেইতো রূপা ওহানি সঙ্গে কিতাই হিসাব করিয়া  
জেলা ওগরাং দিয়া দিছ । না পাহরিছক ।

হু—দিতো দাদা, দিতো । সুপ না খালকরি । দাদা দেরে, এসময়  
রূপা ওহানি পাহুর এরে । মরলে ওতা লগে যিতৈগা থাং ?  
দাদা, সময় থাইতে আংকরে বেলেইং । শরাদংতে কারে কারে এলা  
দেনারকা মাংতাং ?

গি—[ কাঁদিয়া ] হুনাং ! য়েগরো মাতিয়ও ঝক, পিঠির জাত-  
মাংপা ওগরেতে না মাতিছক ।

হু—না দাদা ! দাদাইরে না বুলে মাহেইতে ওগরে সুপ না । অহ !  
দাদার শরাদং হান্তে ওগৈ এলা দিত ? পাঙহান নাগৈ ! চেইছ  
এনে, যে ডাঙর করে শরাদহান করতাঙাইগ । য়েকনাপাই  
আছি দহেইবাতা করে । কীর্তনহান করে করতাঙাইগ । [ কাঁদিয়া ]  
দাদা, ইমে এতাপারা কর্ম এহান না দেহিরা মরতেইতাক ! আমার  
কপাল এতা কতিও থিয়ো গেছেগাতা ! দাদা থাইলেতে দাদারে  
কীর্তন মাপং দিয়া তানর দল ওহানরে আকখরুম তিক জানেইক  
বুলিয়া আঙেরা থাইতে ! প্রভু ! কানা দৌগ ! এতা হাবি তোর  
লীলা নাইক ।

গি—কিমেতে করতে হুনাং । কপালে নেই । নাছে লেইপাকহান না ।

হু—হু তুমিউ নাছেহান ! দাদারতা নাগৈ আমারতা নাগৈ । [ হুতুই  
হানল বোঁদে বোঁদে ] না টটরেই দাদা, ইমে হরে কৃষ্ণ বুল ।  
দৌ নিংকর, ভজনে হমা । [ হরিনাম সলকরের ] দাদা । মরগ-



কালে কিংতাউ খানা মনারতা ? দিবে নাই রূপা, আনেদিংগা ।  
 [ গিরিশৌর জেবগৎত রূপা খানি নিকালেয়া ] দাদা, ডর নাপেই  
 মি গিয়াউ আহু রিগাগ । বাজারেৎত বিসারেয়া মনেইবে ওতা আনেদিংগা ।  
 হবাই ! এহানতে কিহান এ । হরে কৃক হরে কৃক হরিবোল । [ প্রস্থান ]  
 গি — হুনাং, মোরে এপেই এসাদে বেলেরা রূপাহানিল কুরাং যারগাতা ?  
 হুনাং ।

[ বাবুসেনার প্রবেশ ]

বা — হাঃ দাদা । কুঙ্গই মাংল পারা এপেই এসাদে মরতে কিতা কররতা ?  
 কিয়া কাদরতা ?

গি — সালৈলুনারে বাবুসেনা ।

বা — কুরাং ?

গি — নাদেহর থাং মি অহু এহান ।

বা — এপেইর কথা এপেই পড়ক, কিতা অহুতা ?

গি — আর নিয়াম দিন নেই, আজি কালি অহুগ । হুনাঙর খুড়তাকর  
 নুয়ারা ওহান অহুগ ।

বা — হুনাঙর খুড়তাক আগতে গাড়ির তলে পড়িয়া মরিলগতে ।

গি — নাগৈ হে ওরে খুড়তাক । ইমে নুয়ারা এহানল — ইমে এসাদে  
 নাই, মরানির আগ ওহানাং

বা — কুঙ্গই মাংল পারা, হুনাঙর কিগ ?

গি — খুড়তাক এ খুড়তাক ।

বা — কিতা, কিহান, উপনাইল ।

গি — বাবুসেনা । হরে কৃক । মোর রূপা ওহানি মি মরতো বুলিয়া  
 ডিল নাকরিছ । প্রান্দং যৌরক । মোরে মোর মুনিশৌ ওগিরে  
 ডাহেদেবে, মি দানধর্ম খানি করিং । তানুরে মাতিহুগা মি মরোঁরি ।

বা — মরর ? কি বার মরর ! কিসাদে ? আত্মাগাঠি লাগিয়া ?

গি — নাগৈ । হুনাঙে মাংল আরো ।

বা — কুঙ্গই মাংল পারা ওহানতে বার কিহান । ইচ্ছামৃত্যু অর থাং

ভীষ্মদেবর সাদে ! ভাদ্রতে কিতার ইচ্ছামৃত্যু ! সংক্রান্ত হানৌ  
নারাতে !

গি—মি মনেরা থাং ! হুনাঙে মাংল আর নাই !  
বা—না মনারগইতে না মরি বেনাই ! হুনাঙে মাংল আরো মরতেগা !  
কুঙ্গই মাংল পারা—মিতে হুনাঙর বাপকে মাংলৌ নামরতৌ ।

গি—তা মর বুলল আরো মরোরিতা নাগৈ । মোর নুয়ারাহানে মরোরিতা ।  
বা—কিতা পাগালা পাগালা গজররতা ।

গি—বাবুসেনা, দেরে, মোর মুনিশৌ ঔগিরে থানি ডাহেদেরে !

বা—কুঙ্গই মাংল পারা এব্বাকারগাই যাউরিগা । যিংগা ! হরে  
কৃষ্ণ ! জিংতা অগা থাইলে কলি এহানাং কততা দেখতাঙাইতা না ।  
কি বার এসাদে পথে পড়িয়া মরানি এহানতে । দাদা, নাগৈ ফাহানাংতে  
মরর ।

গি—কিয়া ?

বা—মরিয়া এপেই দৌগ অগা মান্ এহান লাকনা দিতেইগ না !

গি—বাবুসেনা, চালাককর এরে । মোরে এপেইংত নেকাগা । মি  
মোর সম্পত্তি হানর হাদিৎ মরিংগা ।

বা—এব্বাকারগাই যাউরিগা । [ গিয়া বার আলথক অগা আহিল ]  
দাদা কথা আহানতে আছে ! দাদাইতে মরানিহে মররতানাই । মারিনাঙ-  
হান অগাতে থাইতেইগ না । গিরিশৌ পথে পড়িয়া মরিল —  
এহানতে দাদা হাবিয়ে মাংতাইহান ।

গি—যাগারে বাবুসেনা, ডিল নাকুরি ।

বা—না দাদা, সুপ ডিল নাকরতৌ । কুঙ্গই মাংল পারা, মরর  
বুল্লেতে হ্যাংডনোট ঔহান আলথক করে দিবে নাই ।

গি—হরে কৃষ্ণ ! বাবুসেনা, মোরতা নিংসাহান থেং থেং করের, যাগারে ।

বা—এরে যাউরিগা । [ বয়া ] হানতে দাদা, আজি বাজারে আইল  
ঔহানতে নাদেখলে নাই । আমিতে এগদে দাদারে বিসারাং লাগেছি ।

গি—বাবুসেনা, হরে কৃষ্ণ, যাগারে ।



বা—হাই যিংগা [ গিয়া আলখক অগ্না আহিল ] দাদা, ধনখানি দিবে  
নাই । রিক্সা আহানাং চালাক করে যিমগাতা । ওহান আইলেতে  
মইছগৌ বিসারা পারভেগা ।

গি—আছিল ধনহানি হাবি হ নাঙে নিলগা ।

বা—হুনাঙে ! হুগই এহানতে কিহান-এ ! হাবি ? ও চর ওগরাংতে  
কিয়া ধনহানি হাবি দিয়া দেছ ? সুপ নেই ? কেনে মোরে

আকরিয়াও দিতে । মোরকাতে কিয়া খানি না খিদিলে । কুঙ্গই মাংল  
পারা হুনাঙর আতে ধনহানি হাবি

গি—তি আইতেই ওহানতে কিসাদে হারপেইতু ?

বা—দাদাউ পাঙগ না ! শিঙে আকয়া হিং পিদেছগ । যিংগা,  
হুনাং ডাকাতি ওগরে বিসারেইংগা । হুগই ! হাবিব ধনহানিল—  
এহানো কিতা সরকার নেই মূলকহান খাং । খানি আহান  
পাউরিগা নেই চেইংগা । [ প্রস্থান ]

গি—[ নৈপথ্যদে ] কুঙ্গ যারগাগ ।

[ হরসিঙর প্রবেশ ]

হ—মি হরচিং এনা ! কিয়া খাং ? হাঃ এপেই বরাতে কিয়া  
কাদরতা বৃজনগতে !

গি—পাণ্ডাইং নাদেহর খাং, মি অছ এহান ! মি কাহোরি এহান !

হ—কাহরতা ! কিতা আছে খাং ? টিবি হান ? [ খানি দুরেই  
আগা ] তিঙে যথা থুঙইলে খাং ! এমাটিক হজক পিন্নর পিনাহানে  
কিসাদো টিবি নাইতে । হজক বাগাদিং হুন । ডাক্তারি নাকরি,  
ডাক্তারি করিয়া কিতাউ কানা নেই । দুকগাছর মারা দুহিয়া  
পুণিমা অমাবশ্যাং মকরধুজল উটিয়া খেইছ । চেইছ বার মোর  
কথা না হুনিয়া ইঞ্জেকশন লইবেগা । মোর হালাকে হপনেদে  
পাছে জরি ওগ দিতো । রূপা নোহান সিকি লাগতে । আছেতা ?  
আমার ইয়—ওরে হে সেনাতল ডাকুলা, তাউ গাঙ্গা পিতে পিতে  
পিতগ ফুটিয়া টিবি অছিল । আকতাই মাংলা টিবিহান, আকতাই মাংলা

শূলহান, আকতাই বার খুঁতেইহান বুলিয়া....

গি—ধোরতা টিবি অছে খাং ? ধরে পারলেতা ?

হু—মাতর লক্ষণেতে টিবিহান বুলতো কিহান, শূলহান বুলতো কিহান । না কই ব্রহ্মগ লরেছেতা নেই কিতা নেই । মানুর আতহানো অনা স্নাকরের । বাসাছে পাহাংপার লেইচেংহান পাউরি ?

গি—কিহানতে করতু ?

হু—মাংলু নাই রূপা নৌহান সিকি দিলে আমার হালাকর কবচ ঔগ আনেদিতো । বালাপারা তাউ আহেছে । রূপাতে আহেতা ? কইতে দিবে নাই !

গি—পাণ্ডাইং মারেইহানি চাদে নে । খইতংগ আকখুংম ধরে দে ।

হু—তি যথা খুঙহংগরে হানতে সকইতু । এরে হুন বৃজনগ । টিবিহানরে অখাইলেতে ঘি, ধো, মাখন হবা করে খেইছ । আমার মুনিশো ঔগৈ ঘির বেপার আহান অকরেছে । তারে মাংলে খাটিতা আনে দিতে । আরতাতে হাবি চর এনা ! সাককাতা আকগো নেই কালি এহানাং । ঘি বুলিয়া ডালডা বরেনা ঠকেইতারা । আমার মুনিশো ঔগ ঔগদেতে হবা । কিয়া, নিজরগ বুলিয়া গপ দিরোরিতা নাগৈ । মিছা ধান্দা এতা তারাং নাপেইতেই । হোঁদিন মালকরে মাতেরতা, ইমা সেইতা এহানে শূলহান না । পইসাতে আজি আছে কালি নেই, আতর মল । হা হা, কালিকার শোগ অইলেতে কিতা অইব, সিং । তোর যথা এহানো তারাংত ঘি খেইলে বালা অইতেই ।

গি—মার এহান যথাহান খাং ?

হু—নাগৈ হানখাং ! কিহান ? শূলহান ? শূলহানরে অইলেতে শূলের হজক খেইবে নাই । আমার মামাহোরক ঔগৈ দের হজক ঔতা সেইকাংতা না । মিকুপ হানাং তি থাক মি যাংগা বালের, ধনো নিয়াম না লাগের । রূপা আককুড়ি পাচহান । দিবে নাই । বার ঔতা খেইলেতে ঘি ধো বরলা নাহেইছ । মরকসি না, মারৈ মাপাং না । সকইলেতে মইলে ।



গি — মরতো থাং । [ কাঁদিয়া ] পাণ্ডাইং জিঙতা কর ।

হ — মরণর কথাতে কুসইতে মাতে পারের । এবাকা আছং, হাংকা নেই ।

গি — মরণহান এমাটিকৌ কাদা আইলতা । পাণ্ডাইং জিঙতা কর ।

হ — মর্তোর কথাতে আকহানতে ছনরতা ।

গি — কিহান নাহ্নেছুতা ? ইমে তোর উইগরে দুরারগ নাদলাং উহান নাই । উহানতে —

হ — বাসা, মারিহান ছন । হাদিং না থেপকরি বেনাই ! কিতা বুলতা ।

হাই — এবাকা আছং হাংকা নেই । হাবি মিছা মায়া না । হাবি মিছামায়া । আমার হোরক উগ বলীয়ে পাকালে সাহসহানে — তিউ দেহেছং নাই — তার রূপ উহান- মাহাপভুগ পারাগ নাইক । চাংখলহানে ডিগল ডাঙবহানে — পাচ পরগনাং উসাদে মানু আগ বিসারেয়া নাপইতেই উহানলহে জিলকৌ অমাটিক হবা নাই বাপকরতা পেয়া । উ মানু উগৈ আকদিম মইচ রাহানিংত আয়া মাংস — কইতে জাং ধনার পানি দেই এনে । দৌ কিতা হমাদিং । মাতানিতে ফাত নেই

গি — মরিলতা ।

হ — ছনবে নাই, মারির হাদিং না থেপকরি — কই কিতা বুলতু ইমে ফরক করক, খালির ছেংগ উট্টেরটা, মিউ আছুগনা দিন উহানতে ছ দুরারল আকরা । কাদলহে উনাপাউহান । পেলকরে কাদল । মোর বাপকগ মরতো এসাদে না কাদেছু ।

গি — কিতা অছিল থাং ?

হ — দশাবতারহান এমাটিক মংখস্থ করেছে, লেরিকৌ দেব মানু এগরে মইচাসুরগৈ — বাসাছে টিবি অছংগর কাদাং বহানি এহান, ধনও নেই বুলর — [ প্রস্থান ]

গি — হরে কৃষ্ণ । ছনাং । ধনহানিল কুরাং গেলেগাতা । ছনাং ! তিতে গিয়াউ থাকগা — ধনহানি নিলেগা থাংতে । আহ, মি এগ ইমে মরাং পড়লতাক । হরে কৃষ্ণ । সদী রূপার কাগজ উহানি জেলা

ওগৈ বিসারেয়া পেইতইতা। হারপেইতইতা।

[ খুলা পুতক মণি চে আহান ধরিয়া দাবদে দাবদে হমেইল ]

ম— বাবা, বাবা, মরর উনি? কিতা অহেতা? বাবা ছ খাছতা?  
বাবা বিহানিতে মোর নাঙে নাউ ইকরে দিয়া মররতা বাবা! বাবা  
নিংসা কাৰে পাররতা? এবাকাউ হুসহান আহেতা বাবা! সাধু  
হমেয়া হমেইলতা। [ মাৰেই কিতা, নিংসা কিতা চার, আহিগী মেলাদেৰ ]  
এবাকাউ হুসহান আহেতা বাবা! ইকরানিহান নাঙে নাইতেইতা বাবা!  
এবে বাবা কাগজহান ইকরিয়া আনেছু। এহান ইকরতে নাই ডিলৈলতা।  
কাগজ লয়া, মররীপগ বিসারেয়া ইকরিয়া করতেগা ডিলৈলতানা বাবা,  
না সৌ অইছ। মররীপ ওগ বার আজিকার দিনে চেয়া তানুৰ ওয়াজ  
আহানাং গেছেগা। [ কলমগ নিকালেয়া ] আর সপ নাখানকরি বাবা,  
এপেই দস্তগৎ আহান দিবেতাই লয়ইল। এরে এপেই—

গি— হরে কৃষ্ণ হরে কৃষ্ণ

ম— বাবা নামরি এরে; খানি বা মা [ কাদিয়া ] বাবা, নুয়ারলে টিপগ  
অইলেউ দিবে নাই! কিংতাউ নেইহান না বাবা, পারতেই, ঠইগ  
দয়া কর। দে, এপেই টিপগ দে, বাবাই কিংতাউ নাকুরি, গি হানিতা  
করতো। গি পুতকগ আছুতাতে ওহানিও নাকরে দিতু। [ বাপকর  
বাঙ্গরিবারার আঙুলিগৎ কালী লাগানি অকরতে জেঠা ননীয়ে আয়া  
কাগজহান কাড়লৈল ]

ন— পশং! এহান কামহান বলিয়া কররতা। খেরিমেরিগ নাপৈ;  
তার নাঙে সম্পত্তিহান তুলেদেনা! আশিতে কিতা অছি থাং!  
নাপেইতেই যাগা। বাবা, বন্দকী লুনা থছং মিন্দক ওগর চাবিগতে?

ম— বাবা মাংলু নাই, দাদা আইলে নাইতই বলিয়া। মোরে  
এমটিক বানাপার এগই কিংতাউ নাদিয়া মরতেইতা বাবা। বাবার  
বন্দকী কল ওতা বাবার বহকে আগেৎত মিটা করেছেগ।

ন— পশং এগতে না! চিকারী নাদি বললতা না। বাপকর কল  
গি জেঠাগই নাপেয়াতে তি খুলাগৈ পেইতে! ওহান বিচারহান! বাবা,



সিঙেছ ! বাবার জেঠী বহুক ঔগই বাবারে করল সেবা ঔতা মরণকালে  
নিংসিং অইছ। খুলী ঔগইতে কিয়া পেইতইতা ?

ম— বাবাই যেগরে মনার ঔগরে দিতৈ । তোর কথাই ঝাং ! জেঠাগ  
অয়া ঔহানো হার নাপারতাতে । কিয়া ধরতেইগ ঔতার কথা খালকর ।  
বাবাই কারে কিতা দিল নাদল ঔতালহে খাইলেতাতে ।

ন— তিউ কিরাহান ধর এনে । তিউ পুতকগ । মিতে কিয়া ?  
বাবাই তোরে হাবি সম্পত্তিহান দেনা ঝাং মি কিয়া ধরিয়া হিনপানি ।  
হে মেইতা ! এরে বাপকগর মরণং ধরিয়া মাতৌরিতা হাবিষ পেয়া  
নাহেইতো । ঝাং সিঙেছ । এরে পশং এগরে কিংতাউ নাদি ।  
মি জেঠাগ, মোর নাঙে সম্পত্তিহান ইকরেদে । মি পিছেদে তারে  
তার বাটহান দিয়া দিতৌ । বাবা এরে মি আনেছু চে এহানাং টিপগ দে ।  
বাবা, বাবা [ কাঁদিয়া ] নাখমকরতাতে বাবা ! মইলে ঝাং ? মোরেতে  
কিংতাউ নাদিয়া মরে গেলেগাতা বাবা ! বাবার বহকরাংতে কিহান  
খমকরতোগা ।

ম— বাবা, মোরেতে কিংতাউ নাদলনাই বাবা । এহান বাপকগর  
বিচারহান বুলিয়া করলেতা নাই । জেঠাগরে হাবিতা দিলে নাই  
অরতে । দাদাইতে কণা আগৌ মোরে নাদতই । মিতে তোর কিগগৌ  
নাউল, নাগৈতা বাবা ! জেঠাগে তোর পুতকগ অইল । অ বাবা,  
কেনে টিপগ দিয়াউ মরতে বাবা ! বাবা, নিংসাহান কাড়রতা !  
বাবা এরে কাগজহান, টিপগ দে ।

ন— না বাবা, এরে, মোর কাগজ হানাং টিপগ দে ।

ম— না বাবা মোর চেহানাং দে ।

ন— বাবা মোর চেহানাং

ম— বাবা মোর চেহানাং

[ আঙুলিগল আচুলা পিচুলা করতারা ]

গি— বাসেই-এ মি নামরেছু ! যেইগা ডাক্তর আগ আনগা ।

ন— মনি যাগাতা, দাপহানল ডাক্তরগ খানি আনগাতা ।

ম— হাই! মি ডাক্তরগ আনাং যিতেগা তি হোঁগদে টিপগ লইতে করে,  
নাগৈতা! তিও যাগানে!

ন—মিতে কিসাদে যিতুগা। দেহরনাই অছু এহান। যাগা তেল্লাম  
আইতেইগা। ডিলনা করিছ।

ম— দাপহানল যাগানে, মি বাবারে রাহিয়া থাইং।

ন— এ সময় বাবার লেইসি আহান মাংত্তে নাকররতাতে।

ম— তিও বাবার লেইসিহান কর এমে।

গি— দিহরগী আকসাটে যেইগা বেনাই।

ম— আমি দিহরগী যিতেগা তি এগদে গরে পড়লেগাতে।

ন— বাবা মরলেতে আমিতে কিহান আইতাঙাই।

[ ছনাঙর প্রবেশ ]

ছ— কিতা অছেতা। বাসেই বাসেই সেচো। যেইগা শুছো।

দাদাই মনেইবতা আনেছু। অস্তমকালে মনেইবতা খেয়া মরবতা  
খানি সেচো নেহে। দাদা। দ খা। মনেইবতা আনেছু। শয়নে

পশমনাভণ্ড ভোজনে তু জনাদ'ন। [ ছটাপেটা কলা আগৈ ম'ড়ি  
ম'টিটে আহানে দিয়া ] দ দাদাই মনেইবতা বলিয়া হিনপেয়া

আনলেগাতা। গরুদেবরাং কাৎকরিয়া পরসাদী ওতা খাউরিতা  
বলিয়া নিংকরিয়া খা। গরুদেবর পরসাদী। এতা হেলা নাকরিছ।

গি— ছনাং। বাকী রূপাতে?

ছ— ধনতে লেয়ন্তেখাং। দাদাই মনেইবতা বিসারেরারগাই আনতেগাতে  
ডিলনিও ডিলেল; ধনো নিংকুলগ মাঙেল।

গি— ছনাং! এতা রূপা আক'কুডিহানরতা?

ছ— ওনা, দাদাইতে মরতে পেয়া পইসার হিসাব করলে খাংতে

গি— নাকরতু। তিতে মি মরতে পেয়া ঠকানি মনার।

ছ— গরুদেবর পরসাদী খেইতে....গমনেই-দাদাতে না নাছৎ। [ এলা ]

মরনকালে যারগা মরনা হাবিরে বেলেয়া।

গি— ছনাং! বাকী রূপা নিকাল।



হ— দাদা ! হাবি রূপার হিসাব আছে। দাদা হে মর এনে ।

জিপুতরাং হাবি হিসাব দিতো ।

গি— ছনাং ! বাকী রূপা নিকাল। নাইলে হে সেইতা থাইলে  
থাইল, মইলে মইল—তোরে আকতুপ করিয়াহে বেতাউ অইতুগা ।

হ— হরে কৃষ্ণ, হরে কৃষ্ণ। দাদা অস্তমহান। কৃষ্ণ নিংকর।  
পইসাদে নাই ।

গি— হে সেইতা । গরুদেবই দেখব। তোরে ঝারিয়া [ ভালকরিয়া  
গেলগা ] ছনাং [ ছনাং নিকুলিয়া গেলগা, গিরিশো পিঠি পিঠি অয়া  
ভালকরিয়া নিকুলিল ]

ম— নাইল নাই, টিপগ লবেলেইং বুলতে তি নাই আয়া বেরা  
করলেতা—

ন— তিহে নাই ! মি এ সযোণে টিপগ লইং বুলতে নাই হাদিৎ  
হেহা— গঙ্গা [ নইয়ে মগিরে ভাল করিয়া গেলগা— দিৱসী প্রস্থান ]

সবনিকা

## সালঙ্কা সানা

শেণনর প্ল্যাট ফর্মগ

[ স্টকেশগ ধরিয় মো আগ হমেইলী । তেইরে দেখলে হারপেয়ার ডাক্তার, ইঞ্জিনীয়ার নাইলে ডাঙর অফিসার আগরাং থাওছেগ । শৌর মালকগ অনাও যাকরের । তেই স্টকেশগ থয়া চারিয়বারা চেইল । স্টকেশগ থয়া বেক অহান আছে ওহানাং বইলী । কুজ আগ তেইর পিঠিয়েদে আহের সাং, তেইরে দেখল সাং বুলিয়া থাং লাগে লাগে চেইরী । লেমপালহানর ব্যাগগৎত কুমালহান নিকালেয়া থানি বোদিল । বিভূলা অয়া ইনাফির চুটিহানল খোনাগর ঘাম পুছল । উঠিয়া চারিয়বারা চেইল । বার বইলী । বার উঠিয়া গিয়া চেয়া আয়া বইলী । নিয়াম উওজিত আছে । বয়া জিরানিহান পারা অয়া ]

অসম্ভব । আর না । এবাকা আয়া কাদলেউ না । ওজাত কাদানি দেহেছ । মি তোর কাদানি, অনুরোধ, মুকসি ওতাঁল গলতোগ নাগে । [ ঘড়িগ চেইল ] গলিয়াতে চেইলু নাই ইচুদিন ।

ট্রেইনহানতে কইটাং থাং ? মানু নেয়ছি পারাতাতে !  
বইলু কাম এহানতে আয়া নাউ দেখতই । যিংগা ! ট্রেইনর টাই-মহান আংকরিয়া টিকেট কিতাল আইংগা ।

[ গেলিগা ! গিয়া সিনেমা পত্রিকা আহানল আয়া বইলী ]  
এহানল মেইথ হান গুরলেতে আর দেখতেইতা । নাউ দেখতই । অতিরিক্ত অইলতনা, নিয়াম আবইলতা ! নোরতাউ মন আহান আছে । হারোপয়ম আহান আছে নাই । আর কতি সহ্য করতু । এখুঁরমতে বেগই যেতাউ মাতকা আর না । [ পত্রিকাহান স্টকেশগর গজে বেলল । তেই পত্রিকা ওহানাদে নাউ আছে ]



মি হবা নেইগ. হবানায়াউ থাইং। তি হবাগ, ডাঙর অফিসারগ  
 তিহে হবা অয়া থাক। প্লীজ। মোরে আকখুলীগ থানা দে।  
 প্লীজ প্লীজ। মি গেলেগা তি নাউ মরভেই। মিও নাযরতো।  
 [ পত্রিকা ওহান ধরিয়া পাতাখানি উলটেইল। ওগদেতে নাউ আছে  
 নিংসিংতে অয়া থাইক, এরেদিগু পাবা এহ'ন অ'র আলখক নাই-  
 তই। নো, ইটস ওয়ানস ফর অল। বার আরাফো আহান হাব-  
 পেয়া থইক, মি তো'র ছনা, কপা আকতাও নানেছ। এতাহাবি  
 মো'র মালক বাপকে দেখিতা। এতা মো'রতা। তো'রা এজনমে  
 ধন না মাগতো। তো'র জয়েট আকাউট'র কপা ওতাউ লুপ  
 না সকইতো। তো'রেতে এরে দিয়া আহানি, তো'র লগেতে  
 সম্পর্ক নাথনি বার তো'র দয়া, তো'র কপাতে লনা। নো, নেভার!  
 পিছেদে ওতাল খুটা কারতে করে। না, না, তো'র কপাউ না  
 তো'র সংসার হানো না, তো'র শৌজিপুতো না। যুব. মনিয়া  
 হাবিরেতে এরা দিয়া আহে পারলু বার তো'র কপাতে সকইত।  
 থাকা যুন, মনিয়া তো'রাং থাকা। চেইতো মালকগ নায়া কিসাদে  
 তাগুরে উনহান দিয়রতা। তানুর কপালে যেহান আছে ওহান  
 অইতই। চেইক, মি নায়া, কিসাদে তি তানুরে ডাঙর কররতা।  
 [ পত্রিকা ওহান পাকরানিরকা লইল, পাতা কতহানঃ উন্টেয়া ]  
 তি না মো'রাংত জিও যুন, মনিয়ারে বানা পেইতেইতা! তো'র  
 অফিস, ফাইল, পাটি টর-ওতালো থাইতে নারগাগই। তো'র সং-  
 সার এহান কুজই চলেয়া থেগে! আকখু'কম উলটিয়া চাছিলেতা!  
 কিহান কিতা আংকরেছিলেতা! এরে মি! যোগে তি মনুষ্যগ  
 করে না গণর ওগইহে সংসার এহান হাবি ধরিয়া থেদেছ নাই।  
 ওহানতে আকদিন নিংসিং অছিলেতা! মো'র হিনহান দেহেছিলেতা!  
 বানার কথা আহান দেছিলেতা।

থাক! ওতা আর মাতিয়া কানা নেই। এবাকা হারপেইতেই  
 গিরক, বার মো'রাং আয়া কাদিয়া আতজুড করতেই। মাপ মাগ-



তেই। [মুকসি দিয়া] একটিং করতেই। ওতা একটিংল আর-  
তারে বলেইলো মোরেতে শ্যারতেই। ওহানতে হার পেয়া থইছ।  
পীজ মোরাং তোর অভিনয় ওতা নাদেছেই। যাগা তোর  
মিস শর্মীরা ওতা দেহায়া, তেইহে ওতা দেহিয়া বুলক। তেই  
হুয়া দেহিরীগ। মিতে দেখতে দেখতে বৃজন অইলুগ। আই হাত  
এনাফ অব ইট। [পত্রিকা হান খুলিয়া চেইল বার বন্ধ করল]

তি এসাদেগ এহান মানুষেতে বিশ্বাস নাউ করতাই। কতি  
হবা অফিসারগ, কতি ভদ্র, এ পারফেকট জেটলমান। ওগই  
এসাদে করে বুললে মোরেহে লাল বুলতাই। অভিনয় ওহান  
দেহিয়া মানুষ মুগ্ধ অইতাই। মিওতে অছিলু। আকদিন মিও  
তোরে হুগা বুলিয়া নিকরেছিষু। থাওতে থাইতে চিনলু। এযাকা  
তোর আসল রূপ ওহান দেহিয়া হারপেইলু। এখুন্ম তোর মিস  
শর্মীই তোরে হারপাক। [গিরেয়া] কতি একসিয়েট কতি  
কাম জানেতা, স্টাইল জাবেতা, এহানো মিস শর্মা, হোহানো  
মিস শর্মা। দিনহ ১৮ মিকুপ আহানো মিস শর্মার নাও ওহান  
পাহর এনে।

আমিতে কতিয়ো অকনাছিগা তোরাং। আনবেগানাই তোর  
মিস শর্মা ওগরে। সাজহান দেহিয়া মুগ্ধ অহুং, লিপটিকর হু-  
হান দেহিয়া বিভূলা অহুং, কর দেহিয়া গলেহুং। আসল মিস  
শর্মারে হবা করে চিনবেতা, আনবেগানাই।

আমিও মান, বুলানি জানি। দিনহান হাজিয়া থাইলে তোর  
মিসশর্মা অম্পরা ওগ আমার জাওর নখর কুনি আগর লগেউ  
মান্না নাইতই।

তোরেউ কি মানংগ কিগে জানে। ওগরে দেহিয়া বলেহুং  
ওহান না! চি! ওহান তোর রদাচহান। এমাটিক বিদ্বান গুণী-  
বান মানং এগ। ওয়াট এ শেইম। কারে কিতা বুলতে!  
[ঘড়িগ চেইল, পত্রিকা ওহানল খানি বোদিল। পাতা আহান  
উণ্টেয়া চেইল। ব্যাগগংত টিকেটহান নিকালেয়া চেয়া বার থইল]



আহানতে হারপেয়া থইছ । মি সিন্দুরতে না পুছতৌ । তোরে  
 ডাইভোস' নাদতৌ । মি কোটে নাযেইভোগা । মোরে ডাইভোস'  
 করে পারলেতে জিংতাছে অর । বাট, ১ । তোরে ফুটির অ্যুয়োগ  
 দেনারকা মি সংসারহান বেলেরা, মুন মুনিয়াৰে এরা দিয়া যাউরি-  
 গাতা নাগৈ । মি নাথাইলে পেইতেই হিন ঔহান আহিল দেহিং  
 বুলিয়া । হারপেইলেতা ! [আহিয়া] আশা না মিটতৈ তোরতা ।  
 যেহান খালকরেছ ঔহান নাইতই । মিও কমগ নাগই । তোরে  
 আকুবালা এরা দিয়া যাউরীগাতা আপপানে নাগই । [ডাটয়া] হার-  
 পেইলে ! মি তোরে এরা দিয়া যাউরীগাতা কুমেই চানারকা ।  
 ডাইভোস'তে না । তি কোটে গেলগা মানুয়ে তোরেল আহিতাই,  
 বৃন্দাবনহান প্রকাশ অইতই, কৃষ্ণলীলাহান তোর কলিগ হাবিয়ে  
 দেখতাই । তিহে লাজপেইতেই, মি নাগৈ । ঔহান হারপেয়া থইছ ।  
 [বইলী, ঘড়িগ চেইল] টেইনহান লেইট অছেতানা কিতা ! সাড়ে  
 চারিটা । মুনতে চারিটাত আহেরগ । মুনিয়া সাড়ে চারিটাং  
 আহিরী । আয়া কিতা করে থাইবাতা ? মোরে বিছারা থাইবা !  
 তানুরে কুংগই খানারতা দিতাইতা ! এহ ! দিন এহান নাহেয়া  
 আছি শৌগীক । এতারে তোর মিস শর্মা ঔই যত্ন করতইতা ?  
 চেইতৌ ! মুন ! মুনিয়া ! না কাদিয়ো, মোরে না বিছারেয়ো ।  
 অজিৎত পুরি মি তোমাৰে এরা দিয়া যাউরিগা । থানাহানতে  
 নাইল নাই ! ভুমিহে নুঙেই অয়া, পুষ্টি অয়া পালয়া থাই ।  
 [হকগল] মি যিংগা । তোমাৰ বাপকরাং ভুমি থাই । মোরে  
 পাছরিয়ো । [আহির পানি পুছলো] মোরে এসাদে দুঃখ দিয়া  
 তিতে গিরক নুঙেইপার ভাক খেইভেই ঔহানতে না মিংকরিছক ।  
 হারৌ অয়া থাইতেই বুলিয়া আশা না করিছ । মোরে দুঃখ দিয়া  
 মোর শৌগীৰে মালকরাংত খেইকরিয়া, তি ফুতি করিয়া থাইতেইতা !  
 নো, নেভার ! নাইতই ! [ঘড়িগ চেইল] অফিসেংত আহে থাইব ।  
 এখুরুমতে ! চেইক, কিসাদে সেবাদাসীগই তোর সেবা করতারাতা !  
 চেইক । বিছারা গিরক, বিছারা । শৌরাং আংকর । হাবিরেউ



আংকর। নাপেইতেই। মি জনমকারকা তোরে ছাড়িয়া যাউরিগা।  
 বিসারানে কতি বিসারারতা। এ্যা! এখুম স্মৃটকেশগ নেইহানাং  
 হারপেইলেতা, মি তোরে বেলেয়া যাউরিগা ওহান। কিহানতে  
 করতে? [খানি আহিয়া] কিহানতে করতে! থাক, তোর সংসার  
 হানল তি থাক। ঘরগ বুজে কামর মানু আহি ওতাই তোরে  
 চেইতাই। মি আকখুলীগ নেয়ইলেতে কিতাইল। থাক, তিহে মুঙেই  
 অরা থাক। কিয়াতে মোরে বিছারার। হা: হা: হা:। খালকর চেইক, মি  
 কুরাং গেছুগা। হাই আন্দাজতে কর্তেই। হারপেইতেই মি টেনে যাউরিগা  
 ওহান। হারপেয়া এপেই আইতেই। আয়া, মায়া ডাক দিয়া বুলেয়া বার  
 আলথক করে নিতেইগা। [ঘড়িগ চেয়া] সময়হানৌ অইল। বিসারানি  
 অকরে থাইবে। [ঘন্টি আগ পড়িল] বিসারা, প্লাটফর্মহান হাবিহান  
 বিসারা। মোরেতে নাপেইতেই। পেইলেউ কিতা। মি গিয়াদিলেগাহে  
 নাই! ওতাও মেইখংহান খানি লুকেয়া থইং। নাইলে মানুর মুঙে  
 সিন ক্রিয়েট করিয়া লয়ইতেগাতে মোরে লাগকরতই।  
 [মেইখংহান মেগাজিন হানল গুরল, খানি থায়া ওহান সেচেয়া]  
 বিসারারতা! বিসারা। কতিহান বিসারারতা চেইক। কিয়া  
 লুকেইতৌতা দেহক, দেহিয়া আহক, কাদক, মিউ কম ডাটগ নাগৈ।  
 আলথক করে দিতৌ। না বুলে দিতৌ। থাকগানে তোর মিস শর্মা-  
 রেল। মোরাংতে কিয়া আলথক অয়া আইলে। যাগানে। না  
 বুললু ওহান না। মাতলু নাই না বুলিয়া। প্লীজ গো ব্যাক,  
 লিভমি এলোন। মি তোর হুকুমর চাকরগ নাগৈ। আই  
 এম নোবোডিং সাভেঁক্ট। মি ওর ক্রীতদাসীগ থাং! তোর কথায়  
 কথায় আটতৌতাতে, তোর আদেশ হুনতৌতা। না দেখল পাউরি!  
 মিতে দেহক বুলুরিতা। এরে মি এপেই আছু। এরে চা। নাহ্!  
 মানু এতার হাদিং কুরাং মোরে বিসারেয়া পেইতৈতা। না পেয়া  
 আলথক অয়া যিঁতৈগা। না, ন হিলতা! নাহিল। অ। তি  
 মোরে প্রাহ্য নাকররতা। গেলেগা যাগা, থাইলে থাক। ঘরর কামি-  
 লীগ। পারলে থাক, নুয়ারলে যাগা। অ। এমাটিক। এমাটিক ঠানা



ন্যকররতা । অ । মি গেলগা নুঙেই অরতা । ওঁহান তি লেপ-  
 করেছংতা । মি গেলগা মিস শর্মারে আকুবালা আনভেগা করে ।  
 মোর মুন, মোর মুনিয়া কুরাং খাইতাই, কিসাদে খাইতাই ওঁহানভে  
 নাউ খালকরলে । তানু তোর সালেদে ডেই ডেইহারা দিতাই ।  
 [ হকগল ] মি নাখাইলে তানু কিহান অইতাইতা ! কিসাদে খাইতাই !  
 কিতা খেইতাই ! কিসাদে ডাঙর অইতাইত ! তানুরে মিস্ শর্মার  
 আতে — ওঁ সাইরেন ওঁগরাং সমপর্ণ করু, মি মালকগ অয়া ! মিহে  
 তানুরে ভরম দেছুগ নাই । [ কাদিয়া ] মুন, মু-নি-য়া- তুমি কিসাদে  
 খাইতারাইতা ? তোমারে কিসাদে বেলেয়া যিভুগা ? কাবাং দিয়া  
 যিভুগা ? ইস্কুলেংত আয়া মোরে না পেয়া কতি হিনপা খাইবাইতা !  
 কতি বিসারা খাইবাইতা তোমার মালক এগরে ! তোমার বাপকেতে  
 এহাউ নাকরে দিল । [ ঘটিগ পড়িল, টেইনহান আহের বুলিয়া  
 মাইকে এনাউন্স করতারা ] টেইনহান আহিলতা পেয়া নাইলেতা !  
 ওঁতা মি গেলগা তি হারো অরতা ! না, মি তোরে হারো অনা  
 নাদতৌ । মোর সংসার হানাং আরাক আগৈ রাজত করানি ! আমার  
 ফটো, আমার স্মৃতি ওঁতা সেচেয়া কুরাংকার নাটকী আগ আয়া  
 পালনি ! না না । ইম্পসিবল । গিখানক । তি বুলেয়া মানু  
 এগরে এহান করে পারলেতা ! কতি সরল হবাম নু এগরে, তি মোরে  
 আলথক করে নেনা নাদৌরিতা । তাতে সরলগ না, দৌগ পারাগ ।  
 তি বুলেয়া নাই, চক্রান্ত করিগা মোর সংসারহান গুড়া নাশা করত  
 করে লাগেছংতা । এমটিক হবা মানু এগরে তোর হিনচাপীর মায়া-  
 জালহানল বেড়েয়া — অ । তি এহান নিংকরেছংতা ! মোরে খেদিয়া  
 তি সিআগ অইতে ! হাই দিতৌ, বাসেয়া থাক, আহোরি ! মোরে  
 খেদিয়া পিছেদে মোর মুন, মুনিয়ারে বিষ দিয়া মারিয়া, তি আকখুলীগ  
 [ চীকারী দিয়া ] না নাইতৈ । মোর সংসারহান বেলেয়া — মোর  
 শৌ জিপুত বেলেয়া — সংসার হান তোরাং এরা দিয়া — না — নুয়ারতৌ ।  
 নাদতৌ । তিহে নিকুলিয়া যিবেগা । মোর মানুগ তি কাড়লনি —  
 অবাই — প্যাংহান নাগৈ — এগৌ কিতা তোর সাদে হিনচাপাগ খাং !



গিধানক ! তি গিয়া আরতাবে বুলাগা। মোর সংসারহান না  
 কাঙলৈ। নায়েইতৌগা। তেইহে বিবগা। মিভে কিয়া বেলৈয়া  
 যিতুগা। তি যাগা। মোর শেজিপুত কায়াং দিয়া যিতৌগাতা।  
 [ স্ট্রটকেশগ লইল ] আহৌরি। মুন মুনিয়া, মি আহৌরি। না, মি  
 নায়েইতৌগা। চেইক, মোর সংসার হানাং কুঙ্গই আয়া পালিয়া  
 থাইতারাতা। [ টেনর শব্দ ] মি আহৌরি, মি আলথক অয়া  
 আহৌরি। [ গেলীগা ]।

যবনিকা

পয়লা অভিনয় : বিষ্ণুপ্রিয়া মণিপুরী সাহিত্য সভা

বারমুনি অধিবেশন : ১৯৮৫

অভিনেত্রী : শ্রীমতী চঞ্চলা সিংহ



## জাগতরে নমঃ

(বেতার নাটিকা)

আমার ডাক বার করতালর মিউজিক ২০ সেকেন্ড। কইনাগ বুলতে দিতারা 'কোটি চন্দ্র' এলা ওহানর সুরগ বাশীল বা খতাল দেনা যাক-  
রে। খতাল দিলে কথাহানি হারনাপানি, সুরগ শিচ্চিল দেনা। ডাকর  
পুংলল আহান দিয়াও অকরানি যাকরের।

বিজয়কুমার—ইতাউ কালচান!

কালচান—কিয়া খাং ইতাও বিজয়কুমার?

বিজয়—ইতাও! (ঠুনিংসা বেলিয়া) হান্তে ইতাও মি হু খেয়া মরতুগা!

কাল—কিয়াতে ইতাও, মি জিংতা অয়া থাইতে তি হু খেয়া মরতেই

তাতে! কিতা অছেতা মাত বেনাই!

বিজয়—আমুসেনার জিলক গিদেইনুরে বিয়া করে নুয়ারলে (ঠুনিংসা বেলিয়া)

ইতাও মি জিংতা নাইভো!

কাল—ওহানরকাউ হিনপাছংতা ইতাও। তোর বাপক খুড়াতলে আপ্পানো  
বিয়াহান লেপকরতই নাই।

বিজয়—বাবারেতে হারনাপাছং খাং ইতাও! বিচারে হজক পিয়র কলর  
আড়ি ওগল বারেয়া আড়গী বাগে দিতৈ।

কাল—ইন্দলরে মাতিং বেনাই!

বিজয়—ইতাওয়ে ইমারে বুজিয়া, ইমাই বাবারে বুজিয়া, বাবাই হায় না  
বুলতে এগদে নিঙলগ ঠাচা করে বেলতাই। (কাদিয়া) ইমেউ ডাম তুলে  
নুয়ারতারাগ। মি কিহান অইলুতা ইতাও! না, না, মোরে আর জিংতা  
অ না বুলি।

কাল—না কাদি ইতাও, নাকাদি। মি বুদ্ধি আহান খালকরিয়া চেইং  
উম্-ম্-ম। পেইলু (হারো অয়া) এলা বুদ্ধিহানিতে এব্বাকাহে পেইলু।  
মি গিদেইনুর বাপকরাং বেষ্টপগ মালয়া বিংগা। গিয়া বুজন ওগরে ঠিক  
চেয়া উঙকরে দিতৌ। তি বার লগে লগে তোর বাপক খুড়াতল মালয়া  
গিদেইনুর বাপক আমুসেনারাং গিয়া বিয়াহান লেপকরগা।

বিজয়—(আহিয়া) ইতাও, তোর সিং ওহানতে!! (দ্বিগীয়ে ফাক ফাক  
আহিলা। দৃশ্যহান খেয়ইল। ১৫ সেকেন্ড ডাকর পুংলল)

কাল—জয় রাধে। জয় রাধে। রাধে, রাধা রাধী। বিন্দাবনর বেষ্টপগরে তিফা

দেই । রাখে রাখে ।

আমুসেনা—বিন্দাবনর বৈঠপগ । কিষ্ট কিষ্ট । বাবাজী এরে হমাদোরি ।

কাল — জয় রাখে । বাবা আমুসেনা ! তোরাং ডাঙর চিন্তা আহান হমাছে ।

আমু — বাবাজীতে সেইখাং দৌগ অছি । হাই, বি আহানল মকদমা

লাগিরা নিয়াম হিনশা পড়লুগা । কিহান অর কিগৈ জানে ?

কাল — না, না, মকদমা নাগৈ । ডাঙর অপমান আহান ।

আমু — পেইলাংগা বাবাজী ? এমারি হৌপারর কৌতনে মোরে ফিটাহান না দিয়া

কাল — ওতা কিতা নাগৈ বাবা । নিঙল আগল—

আমু — কিতা বুলিয়ারতা বাবাজী ? কি বার নিঙল আগল ?

কাল — হাই বাবা তোর জিলক

আমু — গিদেইনু !

কাল — রাধারাণীর লীলা নাই । তোর জিলক ঔগ নিয়াম কপাল হবাগ, ঔগর

বিয়াহান চালাক করে লেপকর । নাইলে

আমু — নাইলে ?

কাল — বাসা মি স্বরফামহান চেইং । এরা, এবাকা যমদওহান । এহানর

পিছেদে খানি খানি অমুখযোগে ফাম আহান হমেইতাই । ওহানাত

নিঙলগ ঠাচা না কহলে — ঘর এগত অমুখল হমেইতাই । তি বজু পড়িয়া

মরতেই, ওটি চামাঝিলাল থুঙইতেই । লিঙেছ । জিংতা অইং বুজ্জেতে ফাম

এহান না এরাদিহ । কইতে মোর ভিক্ষা দিলাইতা । জয় রাখে জয় রাখে ।

( প্রস্থান ) । বিজয় কুমার প্রবেশ

বিজয় — আমুসেনা ইবুঙো ঘরে আহিঙা ।

আমু — আছু । আহিক । কিসাদেগ ঝাং ? কইতে ফিটা আহান দেইয়ে,

বহিক বহিক ।

বিজয় — হায়, মি টেঙারাগাঙর বিজয়কুমারর বাপক চাউবাতল মুক্তিয়ার ।

আমু — কি কামে ঝাং ? গিদেইনু । হজক আককারি আন । কলর

আড়িগল আনিহ ।

বিজয় — হায়, ইবুঙোর নিঙল ঔগরকা চমেইং বুলিয়া ।

আমু — বৈঠপগতে না লেইকাং দৌগ অছে ! গিদেইনু ! সেলকম

ফুটিয়ে কাপক কঙগই আনিহ ।

বিজয় — হাই ! মোর পুতক বিজয়কুমার ঔগ শাতহান মহাপ্রভুগ পারা ।

বিঙাই লংজাই, বিয়ে বানিয়ে....



আমু — ঔতাল কিতা করতু ?

বিজয় — ঔতালতে কিতা করতাং ? কিয়া নিঙলগ আৰাক আগদে ঠাচা করেছি  
থাং ?

আমু — বৈষ্টপগর কথাহান মাটিত বেলতু । ইমা গিদেইতু ! আনলেতা  
ঔতা দিয়া মুক্তিয়ার গিরিবে হমাদে ।

বিজয় — এগ নিঙলগ ! থাক থাক । পুষ্টি পালরা থাইছ । হরে কৃষ্ণ ।  
থাক থাক । জাঙর ধুলি নাউ লই । ( আমুসেনারে ) মাংলু  
কথাহানতে ?

আমু — এতাপারা গিরক আঁগে মোর জিলকরে পুতকরকা নিংগা বুলতে মি  
নাদতু ! দিলু ।

বিজয় — কিতাপারা আঁগে বাঙ্গানি দিলেতে ?

আমু — অরতে দিলু বুললু নাই ।

বিজয় — অইলো বিয়াৰ কত বাঙ্গানি । তামা তুলসী ধরিয়া সংকল্প  
আহান করে বেললেতে ওরাইশাঙয়ার নাই ।

আমু — দিলু বুলতে ঠাচা নাকরলাং থাংতে ( ধরেদে, লোদিয়া ) কইতে হে !  
হনরাইতা । তামার পইসা আহানে, তুলসী পাতা আহানে দেইতা ।  
[ বিজয় কুমারর গরগ । চাউবাতল মুক্তিয়ার — থানি লোহান পারা  
করে, বংগেদে ]

চাউবা : কইতেহে, হনরাইতা ! মুনিশো ঔগর লংহান লেপকরিয়া আইংগা ।  
বিলর গাঙর আমু সেনার জিলক উগলু সাদে বাদে হবা বুলতারা থাংতে,  
ঔগ আমার বিজয়কুমাররকা লেপকরিংগা । গারিহানো পাউরিগানেই  
নাপাউরিগানেই ! কইতে, ছাতিগৈ লাঠিগইতে ! — গারগদে বেলানির  
ফুতি ঔহানোদেইতা । মাধব ! মাধব ! দ্বিজ নৃপ গবিকা, পুষ্পমালা পতাকা  
[ প্রস্থান ]

বিজয় কুমার — [ চিকারী দিয়া ] ইমা, বাবাবে খামকর । হাবিতা বেবা লাগিল !  
দেবে ইমা খামকর এরে । লেপছে বিয়াহান — হইমা ! এহানতে  
কিগানে ! কইতে কালাসেনা ইতাউ — জিংতা আহান কর, নাইলে  
মোর মরা মেই বংহানদেখতেই ইতাও ।  
[ ডাকর পুংলল দৃশ্যহান খেইকরানি, আমুসেনার গরে ]

চাউবা — কইতে আমুসেনা গিরি ঘরে আছিতা ?

আমু — কুংগ থাং ?

চাউবা — হাই, মি টেঙাৰাগাঙর বিজয়কুমারর বাপক চাউবাতল মুক্তিয়ার ।

আমু — (খাংলাগিয়া) কি বার চা তল মূক্তিস্থারতে?

চাউবা — হা, মোরে নাচিনলাং? ৫ ০ রা গাঙুর....

আমু — আভিকালি কলি এহানাত কত নমুনার ঠংকাবাজী নিকুনিলতা।

বিয়ানে মানুগ আয়া গেলগা, এবাকা বার আগৈ আয় মাতেগা মি চাউবাতল মূক্তিস্থার। মিকুপহানাং বাঙ্গানি হমেইলাতা ওতা।

চাউবা — কিতা পাগালা পাগূলি গুজুরতা?

আমু — তি ঠংকাগ ওহান আকগদে থয়া মোরেহে পাগালা পাগূলি বুলতা?

চাউবা — মি পারা মানু আগরে ঠংকাগ বুলতে? তোৰ জিলকরকা হমা দেখু

ওহানোতে অহোভাগ্যহান বুলবে।

আমু — মানু এগতেনা!

চাউবা — এহে! হাগেদে কাছংতা?

আমু — হেরা!

চাউবা — কিহান পারাপাছংতা?

কাল — (দাবদিয়া হমেইল, উঙয়া) খুড়াতল মি হমাদোরি। মামা মি হমাদোরি। নাসোঅইবাং। মি লালছু, মোরে ডাঙি করিক। মোরে মারিক। বিয়াহানতে না বাগেদিবাং। খুড়াতলর পিঠিয়ে পিঠিয়ে আয়া কোলিহান ছনিয়া হমেইলুতা, মি হমাদোরি। লালছুগতে মি। বিয়ানকার বিদ্যাবনর বৈষ্টপ ওগ ৫ মি, বার টেঙাৱাগাঙুর চাউবাতল মূক্তিস্থার ওগ ইতাও বিজয় কুমার।

আমু, চাউবা — (আকসাটে) হা। কিতা বুলতাতে?

কাল — হাই খুড়াতল ইতাও বিজয় কুমার ছ থেয়া মরিং বুলল আরো আমি আয়া বিয়াহান লেপকরলাংতা। (১০ সেকেণ্ড ডাকর পুংলল) এহান যারিহান। (কাদিয়া) মি লালছু মোরে মারিক।

চাউবা — পশুগী! তুমি কিহান বুলিয়া করেছতা!

আমু — ওহানলনা তামা তুলসী ধরিয়া সংকল্প কর বুললতাতে হা-হা হা

চাউবা — কলির শো এনা। হা-হা হা

কাল — খুড়াতল (কাদিয়া) মি লালছু। মোরে ডাঙি করিক। বিয়া এহান বাগলেতে ইতাও বিজয় কুমার ছ থেয়া মরতই। (চাউবাতলে আমুসেনাই আহানি অকরলা। কোটি চন্দ্র এলাহান উচয়া হাতে হাতে কমিলগা।

— লয়ইল —



আমু — ( খাংলাগিয়া ) কি বার চা তল মূক্তিস্থারতে ?

চাউবা — হা, মোরে নাচিনলাং ? ে রা গাঙুর ....

আমু — আভিকালি কলি এহানাত কত নমুনার ঠংকাবাজী নিকুনিলতা ।

বিয়ানে মানুগ আয়া গেলগা, এবাকা বার আগৈ আয় মাতেগা মি  
চাউবাতল মূক্তিস্থার । মিকুপহানাং বাঙ্গানি হমেইলাতা ওতা !

চাউবা — কিতা পাগালা পাগূলি গুজুরতা ?

আমু — তি ঠংকাগ ওহান আকগদে থয়া মোরেহে পাগালা পাগূলি বুলতা ?

চাউবা — মি পারা মানু আগরে ঠংকাগ বুলতে ? তোৰ জিলকরকা হমা দেহু

ওহানোতে অহোভাগ্যহান বুলবে ।

আমু — মানু এগতেনা !

চাউবা — এহে ! হাগেদে কাছংতা ?

আমু — হেরা !

চাউবা — কিহান পারাপাছংতা ?

কাল — ( দাবদিয়া হমেইল, উঙয়া ) খুড়াতল মি হমাদোরি । মামা মি  
হমাদোরি । নাসোঅইবাং । মি লালছু, মোরে ডাঙি করিক ।  
মোরে মা'ক । বিয়াহানতে না বাগেদিবাং । খুড়াতলর পিঠিয়ে  
পিঠিয়ে আয়া কোলিহান ছনিয়া হমেইলুতা, মি হমাদোরি  
লালছুগতে মি । বিয়ানকার বিদ্যাবনর বৈষ্টপ ওগ ঠু'মি, বার  
টেঙায়াগাঙুর চাউবাতল মূক্তিস্থার ওগ ইতাও বিজয় কুমার ।

আমু, চাউবা — ( আকসাটে ) হা । কিতা বুলতাতে ?

কাল — হাই খুড়াতল ইতাও বিজয় কুমার ছ থেয়া মরিং বুলল আরো আমি  
আয়া বিয়াহান লেপকরলাংতা । ( ১০ সেকেণ্ড ডাকর পুংলল ) এহান  
য়ারিহান । ( কাদিয়া ) মি লালছু মোরে মা'রিক ।

চাউবা — পশুগী ! তুমি কিহান বুলিয়া করেছতা !

আমু — ওহানলনা তামা তুলসী ধরিয়া সংকল্প কর বুললতাতে হা-হা হা

চাউবা — কলির শো এনা । হা-হা হা

কাল — খুড়াতল ( কাদিয়া ) মি লালছু । মোরে ডাঙি করিক । বিয়া  
এহান বাগলেতে ইতাও বিজয় কুমার ছ থেয়া মরতই । ( চাউবাতলে  
আমুসেনাই আহানি অকরলা । কোটি চন্দ্র এলাহান উচয়া হাতে  
হাতে কমিলগা ।

— লয়ইল —





বুজেন্দ্রকুমার সিংহ গিরকে কনাকত নাটক ইকরেরগ ।  
১৯৫৭৭ 'সাজোয়ে খারদেনা' বুজিয়া নাটক আহান ইকরেছিল ।  
ওহান হিংগারীত কৎতখুরুম অভিনয় করলা । ওতার, পিছেকার  
নাটকহান 'চক্রবর্ত্তি' । এহানৌ বিভিন্ন অনুষ্ঠানে হিংগারীত অভিনয়  
নেতায় অভিনয় করলা । 'চক্রবর্ত্তি' বিষ্ণুপ্রিয়া মনিপুরী ভাষার  
পইলা প্রকাশিত নাটকহান । 'ডাকঘর' বার 'লক্ষীর পরীক্ষা'  
রবীন্দ্রনাথর অনুবাদ । 'ঈদিপাস' বিখ্যাত গ্রীক নাটক ওহানর  
অনুবাদহান । ওহান ভারতী-সংঘর নাট্যোৎসবে অভিনীত অছিল ।  
'রকতর সাক্ষর' বার 'সিঙ্গাগিথানকর রকত' পূর্ণাঙ্গ নাটকহানি ।  
হাবি 'এবাকাউ করপেখ অয়া আছে । এবাকা 'লিবেন ডেস  
গালিলেও' বুজিয়া ব্রেণ্টর নাটক আহান অনুবাদ করেব । আরাক  
মৌলিক নাটক আহানর কমেউ আত দেছে । □

প্রকাশিকা--বিভা সিংহ

"পুলেলে"